

Broj: 03-02-999/2021
Sarajevo, 26.08.2021. godine

PARLAMENT FEDERACIJE
BOSNE I HERCEGOVINE

- Dom naroda -
gosp. Tomislav Martinović, predsjedavajući

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 26-08-2021			
Org. jed.	Broj	Priloga	Vrijednos!
02	- 02-	1647	21

X
5

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 157. stav (4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), u prilogu Vam dostavljam **Mišljenje Vlade Federacije Bosne i Hercegovine o Prijedlogu zakona o izmjenama Zakona o penzijskom i invalidskom osiguranju - skraćeni postupak, kojeg su podnijeli Fahrudin Skopljak i Ivo Tadić, delegati u Domu naroda Parlamenta Federacije Bosne i Hercegovine, a koje je Vlada Federacije Bosne i Hercegovine utvrdila na 278. sjednici, održanoj 26.08.2021. godine.**

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

**Cc: Federalno ministarstvo rada i socijalne politike
gosp. Vesko Drljača, ministar**

Na osnovu člana 51. Poslovnika o radu Vlade Federacije Bosne i Hercegovine – Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa članom 157. stav (4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), nakon razmatranja Prijedloga zakona o izmjenama Zakona o penzijskom i invalidskom osiguranju – skraćeni postupak, kojeg su podnijeli Fahrudin Skopljak i Ivo Tadić, delegati u Domu naroda Parlamenta Federacije Bosne i Hercegovine, Vlada Federacije Bosne i Hercegovine je na 278. sjednici, održanoj 26.08.2021. godine, utvrdila slijedeće

MIŠLJENJE

Prijedlogom zakona o izmjenama Zakona o penzijskom i invalidskom osiguranju („Službene novine Federacije BiH“, broj: 13/18), kojeg su podnijeli Fahrudin Skopljak i Ivo Tadić, delegati u Domu naroda Parlamenta Federacije BiH, predlažu se izmjene u članu 44., 144. i 145. Zakona o penzijskom i invalidskom osiguranju kako bi se, prema navodima, otklonilo nepravedno postupanje prema kategoriji demobilisanih boraca, te ujednačila prava za demobilisane borce koji ostvaruju pravo po Zakonu o prijevremenom povoljnijem penzionisanju branilaca odbrambeno-oslobodilačkog rata.

S tim u vezi, Vlada Federacije Bosne i Hercegovine podneseni Prijedlog zakona je ocijenila neprihvatljivim, iz slijedećih razloga:

Član 1. predloženih izmjena Zakona o PIO/MIO, načelno je prihvatljiv, međutim isti nije nomotehnički dobro sačinjen. Također, upoznajemo da je suštinski identična izmjena predviđena izmjenama i dopunama novog zakona, koje je Federalno ministarstvo rada i socijalne politike sačinilo i dostavilo Vladi Federacije Bosne i Hercegovine na razmatranje i utvrđivanje.

U tom smislu, cijenimo da je pitanje povećanja vrijednosti boda za osiguranike koji imaju poseban penzijski staž, treba urediti u sklopu cjelovitih izmjena i dopuna predmetnog zakona.

Član 2. predloženih izmjena Zakona o PIO/MIO je neprihvatljiv jer prema važećem Zakonu o penzijskom i invalidskom osiguranju svi osiguranici bez obzira na osnov osiguranja ostvaruju prava pod jednakim uvjetima.

Narušavanje ovog principa značilo bi korak nazad u provedenoj reformi sistema PIO, i rezultatima koji su postignuti u provedbi reforme, a prvenstveno stabilnosti isplate penzija.

Također, prihvatanjem odredbi iz predloženog člana 2. došlo bi do dupliciranja normi, budući da suštinski identična odredba postoji u Zakonu o prijevremenom povoljnijem penzionisanju, prema kojoj se starosna granica za ostvarivanje prava na penziju snižava za ukupni priznati posebni staž.

Nadalje, napominjemo da je povoljnost u vidu smanjenja potrebnih godina života u odnosu na ostale osiguranike propisana u članu 144. Zakona o PIO/MIO, prema kojem, izuzetno od člana 40. ovog zakona, osiguranik ima pravo na starosnu penziju i kada navrši 40 godina penzijskog staža i najmanje 62 godine života.

Zbog navedenog je Prijedlog za donošenje Zakona o izmjenama Zakona o penzijskom i invalidskom osiguranju, kojeg su podnijeli Fahrudin Skopljak i Ivo Tadić, delegati u Domu naroda Parlamenta Federacije BiH, ocijenjen neprihvatljivim.

V. broj: 1330 /2021

26.08.2021. godine

Sarajevo

